

Oqaluuserisassat:

Imm. 01 Oqaluuserisassat akuersissutigineqarneri

Aningaasaqarnermut tunngasut

Imm. 3.1 2025-imiit 2026 tungaanut Sisimiuni Maniitsumilu sanaartukkanut naatsorsuutit kiisalu sanaartukkanut aningaasaliissutinik atunngitsuukkanik nuutsineq

Imm. 3.2 Sisimiuni Maniitsumilu nutarsaanermut aningaasaliissutaasunit agguaassineq

Imm. 3.3 Aningaasaliissutinik Igloo Mountain-imit Sukorsit Inuusuttut ornittagaannut nuussineq

Imm. 3.4 Sisimiuni Maniitsumilu innuttaasunik sullissivinni sulisut atorfiisa taagutaasa qaffanneqarnissaat

Suliassat naliginnaasut

Imm. 4.1 Ilisimatusarfinni isumaginninnermik suliagarnermi immikkoortortaqarfiup Qeqqata Kommuniatalu akornanni suleqatigiinnissamik isumaqatigiissut

Imm. 4.2 Nunatta Kitaani Nunamik allanngutsaaliukkamik pilersitsineq pillugu nalunaarusiaq pillugu tusarniaaneq

Imm. 4.3 Kalaallit Nunaanni timersoqatigiiffiit kattuffiata aamma Qeqqata Kommuniata akornanni suleqatigiinnissamik isumaqatigiissutaannik nutarterineq

Imm. 4.4 Itillimi katersortarfiup Kateriffiup tigusissaanut Peqatigiiffik Katersorfittaarniaqatigiinnit qinnuteqaat

Sulisogarnermut tunngasut

Imm. 5.1 Atorfeqartitanut tunngasutigut paasissutissiineq 4. kvartal 2025

Imm. 8.1 Tamalaat

Ataatsimiinneq videokonference atorlugu ingerlanneqassaq nal. 08.30

Demokraatit

Rachel Ingemann

Inuit Ataqatigiit

Juliane Enoksen

Naleraq

Nathan Møller

Siumut

Malik Berthelsen

Gideon Lyberth

Imm. 01 Oqaluuserisassat akuerineqarneri

Aalajangiineq

Oqaluuserisassat akuersissutigineqarput.

Imm. 3.1 2025-imiit 2026 tungaanut Sisimiuni Maniitsumilu sanaartukkanut naatsorsuutit kiisalu sanaartukkanut aningaasaliissutinik atunngitsuukkanik nuutsineq

Journal nr. 06.02.01

Tunuliaqutaq

Ilanngussaq 5-imi takuneqarsinnaallutik sanaartukkanut ingerlasunut sanaartugassanullu sulii aallartinneqanngitsunut tunngatillugu, 2025-mi aningaasaliissutinik atunngitsuukkanik 2026-mut missingersuutitut nuutsinissamik Teknikkeqarnermut Avatangiisinullu immikkoortortaq matumuuna siunnersuuteqarpoq.

Sisimiuni Maniitsumilu sanaartugassat suliaassani naammassisani tullinnguttuni sanaartornermut naatsorsuusiortoqarnikuuvoq, takuuk ilanngussaq 1-4:

- 500355 ATV-nut aqut Immikkoortoq 2, Sisimiut
- 500384_004 Bussinut inissiisarfik, Maniitsoq
- 500405 Itilleq Illorput 2100 Allannortitsineq, Sisimiut
- 500430 Sarfat tungaanut aqqusineramik talliliineq, Maniitsoq

Maleruagassatigut tunngavigisat

Karseqarnermut naatsorsuuserinermullu malittarisassat. Sanaartornermut tunngasut TA-mit akisussaaffigineqarput.

Sanaartukkanut naammassinikunut sanaartornermut naatsorsuusiortoqartartussaavoq. Sanaartornermi naatsorsuutit Teknikkeqarnermut ataatsimiititaliamit, Aningaasaqarnermut ataatsimiititaliamit Kommunalbestyrelsimiillu akuersissutigineqartussaapput, malitsigisaanillu kukkunersiuisunit atsiorneqarlutik.

Pissutsit atuuttut

Ataani eqitsimmi aningaasanik sinaakkutitalimmik sanaartornermilu aningaasartuutivinnik allassimasunik sanaartugassat suliaassat tullinnguuttut naammassereerput atorneqalereerlutillu:

Atuiffiup taaguutaa	Sanaartornissami aningaasaliissutit, Kr.	Sanaartornermut aningaasartuutit, Kr.	Nikingassut
500355 ATV-nut aqut immikkoortoq 2, Sisimiut	24.723.699,00	23.241.952,05	1.481.746,95
500384_004 Bussinut inissiisarfik, Maniitsoq	8.000.000,00	7.644.638,06	355.361,94
500405 Itilleq Illorput 2100 Allannortitsineq, Sisimiut	500.000,00	588.900,00	- 88.900,00
500430 Sarfat tungaannut aqqusineramik talliliineq, Maniitsoq	2.500.000,00	1.975.600,00	524.400,00

**Aningaasaqarnermut ataatsimiititaliap ileqqusumik ataatsimiinnerata 01 ulloq 17. februar 2026
imaqarniliornera**

*Kommunip aningaasartuutaani nikingassutit katillugit		2.272.608,89
---	--	--------------

*Aningaasaliissutit nikingassutaanik naatsorsuineq siulequtaasa isumai atorlugit, - = sippuilluni atuineq, + = atuinikinneq.

Sanaartornermi suliaassat nuutsinneqarnissamut qinnutigineqartut takussutissiami ilanngussaq 5-imi qalipaasersorneqarput. Suliami Sisimiut Maniitsullu eqqaani sanaartornerit kiisalu ataatsimoorussamik suliaassat pineqarput. Quleriiaani "Oqaaseqaatit" ataani sanaartugassanut pilersaarutini aningaasanik atunngitsuukkanik nuutsitsinissamik kissaatigineqarnerit sumiiffinni allassimapput.

Illunik nutarsaanernut, Avatangiisinillu tapiissutinut ukiumut aningaasaliiffigineqartartunut atunngitsuukkanut nuutsinissaq qinnuteqaatigineqanngilaq, ukiumoortumik ingerlatsinermut aningaasaliissutaanerorpasimmata aammalu Ingerlatsinermut immikkoortortamit ingerlanneqartuullutik. Suliniutinut naammassisanut inaarutaasumillu akileriikkanut aningaasanik atunngitsuukkanik nuutsisoqarnissaanik qinnuteqartoqanngilaq.

Atuilluartuunissakkut kingunerisinnaasat

Kingunissaqanngilaq, sanaartukkat aallartisarneqareersut naammassineqarnissaannut aningaasaliissutit nuutsinneqarnissaat pisariaqarpoq.

Aningaasaqarnikkut allaffissornikkullu kingunerisinnaasai

Naatsorsuutit naammassineqartut malitsigisaanik kukkunersiuisunit akuerineqartussat. Namminersorlutik Oqartussanik tapiiffigineqartumik sanaartugassatut suliaassani, sanaartornermut naatsorsuutit kukkunersiuisut atsiugaasa assilinerat Namminersorlutik Oqartussanut nassiunneqassaaq.

Sanaartornermi suliaassanut sippuilluni atuineq karsimiittuutinit matussuserneqartarpoq, sanaartornermilu suliaassanut atuinikinnerunerit karsimiittuutinut utertinneqartarlutik.

Sanaartukkanut isumaqatigiissuteqarfioersunut naammassinninnissamut kommuni pisussaaffeqarpoq. Sanaartugassanut entreprenørinut suli isumaqatigiissusiorfiunngitsunut, suliniut pisariaqartutut isigineqarunnaarsimappat maannamut killiffiani unitsinneqarsinnaavoq, kisianni siunnersortinut akissarsiarititat suliniutip unitsinneqarfiani killiffiup tungaanut akilerneqassallutik.

Suliniutinut suli aallartinneqanngitsunut sanaartugassatut kissaat pillugu paasissutissanik amerlanerusunik amigaateqarfiusuni aammalu sanaartornissamut pilersaarutitaqanngitsuni, suliniut kissaatigineqarunnaarsimappat sulianut taakkununga isumaqatigiissutinut pisussaaffinnik isumaqatigiittoqarnikuunaniluunniit, aningaasanik nuutsinissaq pinngitsuuginarneqarsinnaavoq.

Allaffeqarfiup naliliinera

Sanaartukkanut naatsorsuutit

500355 ATV-nut aqqut immikkoortoq 2, Sisimiut

Imeqarfik sinerlugu Kangerluarsuk Tulliup tungaanut aqqusineramik kiisalu ATV-nut aqqummik pilersitsineq 2025-mi juulip qiteqqunnerani atorneqalerpoq. Imeqarfik sinerlugu aqqusineq ASN-imit ilaatinneqarpoq, taamaalilluni piffissap ingerlanerani suliniut akisunerulerluni. ATV-nut aqqut 5

aserfallatsaalineqartarnissaa pitsanngorsarneqartarnissaalu Ingerlatsinermit immikkoortup ataani atuiffimmut 562040800 tunniunneqarpoq.

500384 004 Bussinut inissiisarfik Maniitsoq

Suliaq 2025-mi aggustimi tunniunneqarpoq aammalu 355.361 koruuninik atuinikinnerulaarfiulluni, tamannalu isumaqatigiissusiornermi 479 t.koruuninik sipaarutaasinnaasunik paasinnittoqarnikuuneranik peqquteqarpoq. Supoortumik kiassarnermik natermilu illersuutaasussanik suliniutinik ingerlatsioqarnikuuvoq, taakku ingerlatsinermi aningaasartuutikinnerunissamut ilaanissaat naatsorsuutaavoq.

500405 Itilleq Illorput 2100 Allanngortitsineq

Ilaqutariinnut illumik nunaqarfimmut tamarmut ataatsimoorussamik illunngortillugu allanngortitsineq 2025-mi martsimi tunniunneqarpoq. 88.900,00 koruuninik atuinikinneruneq suliariumannittussarsiuussereernerup kingorna isumaqatigiissusiorfigisamut atasunngortinneqarsinnaavoq.

500430 Sarfat tungaannut aqqusineramik talliliineq, Maniitsoq

Suliaq septembarip 23-anni tunniunneqarpoq, amigaatit paasineqartut iluarsineqareerput aqqusinerlu atorneqalereerluni. 524.400 koruuninik atuinikinneruneq aningaasaliissutinit tamakkiisunit 21 procentiuvoq aammalu annertunerusumik naatsorsuutigeqqaakkamiit suliaq akikinneruneranik peqquteqarpoq.

Sanaartugassatut sulianut sisamanut atuinikinneruneq tamarmiusoq kommunimut 2.272.608 koruuniuvoq.

Aningaasanik atunngitsuukkanik nuutsineq

ERP-system malillugu suliniutip normui qaffakkiartortut malillugit allattugaasut sanaatornermut suliaasanut suliniutit normui eqitsimmi ilanngssaq 5-mi allattorsimapput.

Aningaasanik ilanngaatitaqanngitsunik 251.249.483,65 koruuninik nuutsisoqarnissaa qinnuteqaatigineqarpoq. Suliani naammasseriikkani aningaasat sinneruttut 2.272.608 koruuniusut nuutsinneqarnissaa qinnuteqaatigineqanngilaq, taakku karsimut utertinneqassapput.

Suliamik saqqummiussaq una 2026-mi januaarip 30-anni 2025-mut natsorsuutinit kisitsiugallartut malillugit suliaavoq. Ullup taassuma kingorna naalernerani akiligassissutit naatsorsuutinit ikkunneqassappata ilanngussaq 5-mi aningaasartai nalimmassarneqassapput.

Innersuussut

Teknikkeqarnermut ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigineqarpoq:

sanaatornermut naatsorsuutit taakku sisamat akuerineqassasut.

Teknikkeqarnermut ataatsimiititaliap Aningaasaqarnermut ataatsimiititaliamut innersuussutigissagaa, 2025-mi missingersuutinit sanaatornermut aningaasaliissutininik atunngitsuukkanik katillugit 252.287.535,57 koruuninik 2026-mut nuutsisoqassasoq,

ilanngussaq 5-imi tulleriiarlugit allanneqarnikuusutut sanaartugassatut pilersaarutini
ataasiakkaani aningaasat agguataagaallutik.

Teknikkeqarnermut ataatsimiititaliap suliamik suliarinninnera

Ataatsimiititaliap 12. februar 2026 ataatsimiinnerani innersuussutigineqartut akuersissutigineqarput

Innersuussut

Teknikkeqarnermut ataatsimiititaliap Aningaasaqarnermut ataatsimiititaliamut innersuussutigivaa,

- Sanaartornernut naatsorsuutit taakku sisamat akuerineq**assasut**
- 2025-mi missingersuutinit sanaartornermut aningaasaliissutinik atunngitsuukkanik katillugit 252.287.535,57 koruuninik 2026-mut nuutsiso**qassasoq**, ilanngussaq 5-imi tulleriiarlugit allanneqarnikuusutut sanaartugassatut pilersaarutini ataasiakkaani aningaasat agguataagaallutik

Aalajangiineq

Akuersissutigineqarput.

Ilanngussaq

Tullinnguuttunut sanaartornermut naatsorsuutit:

Ilanngussaq 1	Suliniut 500355	ATV-nut aqqut immikkoortoq 2, Sisimiut
Ilanngussaq 2	Suliniut 500384_004	Bussinut inissiisarfik, Maniitsoq
Ilanngussaq 3	Projekt 500405	Itilleq Illorput 2100 Allannortitsineq, Sisimiut
Ilanngussaq 4	Projekt 500430	Sarfat tungaanut aqqusinermik talliliineq, Maniitsoq

Aningaasanik atunngitsuukkanik nuutsineq:

Ilanngussaq 5 Eqitsit, Sanaartugassanut aningaasaliissutinik atunngitsuukkanik 2025-mi missingersuutinit 2026-mi missingersuutinit nuutsineq atuiffiit aningaasallu.

Imm. 3.2 Sisimiuni Maniitsumilu nutarsaanermut aningaasaliissutaasunit agguassineq

Journal nr. 17.05.00 ERP Illuutiniq nutarsaanissamut aningaasaliissutit/Ataatsimoorussat 500001

Tunuliaqutaq

Qeqqata Kommuniani illunin inuussutissarsiorfiusunik aserfallatsaaliinissamik pilersaarusiornissamut 2017-imut missingersuutitigut nutarsaanissamut aningaasaliissutit pilersinneqarput, taamaaliornikkut siunissami illut piuinnaarnissaat qulakkeerneqarsinnaalluni. Suliamik saqqummiussaq una 2025-mi Maniitsumi Sisimiunilu nutarsaanermut aningaasaliissutit Teknikkeqarnermut Avatangiisinullu immikkoortortaq qanoq atuisimaneranik kiisalu nutarsaanermut aningaasaliissutit 2026-mi qanoq atorunneqarniarnersut allaaserivaa. Suliniut 500001-imut - Illuutiniq nutarsaanissamut aningaasaliissutit/Ataatsimoorussat 2025-mut missingersuutit 15 millioniupput, maannamullu Teknikkeqarnermut Avatangiisinullu immikkoortortamut Sisimiunut 9 millionit aammalu Teknikkeqarnermut Avatangiisinullu immikkoortortamut Maniitsumut 6 millionit agguataarneqarlutik.

Maleruagassatigut tunngavigisat

Teknikkeqarnermut Avatangiisinullu ataatsimiititaliap sanaartornermut atuiffimmut 562040600 akisussaasuvoq.

Qeqqata Kommuniata illuutini nammineq akisussaaffigai.

Pissutsit atuuttut

Kinguaattoorneq piffissami ungasinnerusumik nutarsaanermik akisunerulersitsisinnaammat Teknikkeqarnermut Avatangiisinullu immikkoortortaq ingerlaavartumik pisarialimmik aserfallatsaaliinermik ingerlatsiniartarpoq.

Maniitsoq

2025-mi Maniitsumi nutarsaanermut aningaasaliissutit tulluuttut atorneqarnikuupput

Illu	Siunertaq	Aningaasat
Hotel Toppen	Atuarfiugallartog	805.538,75 kr.
Qatserisartoqarfik	Apusioqarnerata kingorna nutarsaaneq	78.345,00 kr.
Kommunip allaffia	Allanngortiterinermik suliniut	1.299.112,05 kr.
Mini kollegie B-1126	Oquujaaneq	3.713.456,85 kr.
Mini kollegie B-1127	Oquujaaneq	881.392,00 kr.
Pinartumik suliasat assigiinngitsut		151.176,00 kr.
Katillugit		6.929.020, 65 kr.

Sisimiut

2025-mi Sisimiuni nutarsaanissamut aningaasaliissutit tullinnguuttut atorneqarnikuupput

Illu	Siunertaq	Aningaasat
Nalunnguarfiup Atuarfia	Igalaat taarsersorneqarneri	486.991.68
Taseralik B-1845	café il.il. allanngortiterineq	582.896.79
Majuartaateqarfiup haalita	Oqorsaaneq	548.000.00
Amutsivik B-1	Illuaqqanik piniariartarfinnik allanngortiterineq	507.134.62
Minngort Atuarfia B-796	Ungasiaanit kiassarneqarneq, silaannarissarfiit	1.317.359.00

**Aningaasaqarnermut ataatsimiititaliap ileqqusumik ataatsimiinnerata 01 ulloq 17. februar 2026
imaqarniliornera**

B-902 Kommuni allaffissua	Ungasianit kiassaaneq	797.523.94
B-1295 TAI	Ungasianit kiassaaneq	220.000.00
Majoriaq/DTU B1472/B-1280	Nussuinerit	313.355.39
B-1037 Qupanuk Utoqqaat	ABA kalerrisaarutit il.il.	638.917.06
B-17	Nutarsaaneq	485.092.00
B-18	Illup qaavata qalianik nutarsaaneq	162.844.50
B-46 Sanaluttarfik	Erngup aqputaa, slamtank il.il.	322.713.21
B-1222 Itilleq allaffeqarfik	Uffarfimmik nutarsaaneq il.il.	440.194.25
B-109 MA Bislevikkut illukuat	Illup iluani nutarsaaneq	1.152.812.1
B-1142 Naalu	Silaannarissarfiit il.il.	123.711.35
Suliassat nukingernartut assigiinngitsut		947.287.25
Katillugit		8.826.833.14

2026-mut pingaarnersiunerit

Kommuni allaffianik allanngortiterinerup ingerlateqqinneqarnissaanut nutarsaanermut aningaasaliissutaasuniit 2,5 mio. koruunit missaaniittut 2026-mi atussallugit Maniitsup kissaatigivaa. Taakku saniatigut natip qalliutaanik aamma qilaap qalliutaanik taarsiisoqassasok kissatigineqarpoq, taamaalilluni assigiaarneruneq anguneqassammat. Kalaalimineernarfimmi allaffimmik pilersitsinissamut 1 mio. koruunit atorneqarnissat kissaatigineqarpoq, aamma Maniitsumi neqitsersuisarfimmi natermik taarsiinissamut 300 t. koruunit atorneqarnissat kissaatigineqarpoq. Sinneri suliassanut pinartunut atugassanngortinneqassapput.

Sisimiuni kommuni illuutaani assersuutigalugu qulleqarnerulersitsinikut kalerrisaarusuinikkullu tillinniartarnernik aserorterisarnernillu illuutit eqqarsaatigalugit pinaveersaartitsinissamut 600 t. koruunit missaaniittut immikkoortinneqassasut kissaatigineqarpoq. Tamatuma saniatigut nutarsaanermi aningaasaliissutit ilaatigut Taserallimmi silaannarissarfinnik taarsersuinissamut 670 t. koruunit kiisalu Minngortuunnguup Atuarfianut 350 t. koruunit missaaniittut, B902-mi kalerrisaarutitut 850 t. koruunit atorneqassapput. Kommuni allaffia; 500 t. koruunit missaaniittunut Nalunnguuarfiup Atuarfiani igalaanik taarsersuineq. B-1813 IVIK 500 t. koruunit missaaniittunut nutaanik qullilersuineq. Sarfannuani meeraaqquvimmut erngup aqputaa nutaaq 400 t. koruunit missaanut. B-1757 Kommuni allaffia Kangerlussuaq 300 t. koruunit missaanut qalipatsitsineq; B-17 Napparsimavikoq, 600 t. koruunit missaannut nutarsaaneq kiisalu suliassanut nukinginnartunullu.

Atuilluartaunissakkut kingunerisinnaasat

Kommuni illuutaanni ingerlaavartumik aserfallatsaaliinerup qulakkeerneqarnissaa atuilluartauneruneruvoq, taamaalilluni illut siunertavimminnut atorneqarsinnaassallutik aamma periarfissat sapinngisamik pitsaanerpaamik atorneqarsinnaassapput. Aammattaaq illuutigisat pioreersut paarinnarneqarpata pisariaqanngitsumik nutaanik sanaartorneq pinngitsoortinneqassaaq, tamannalu inuiaqatigiinnut akikinnerussaaq.

Aningaasaqarnikkut allaffissornikkullu kingunerisinnaasai

Siuliani allaaserineqartutut nutarsaanermut aningaasaliissutit pillugit Sisimiuni 2026-mi 9 mio. koruunit kiisalu Maniitsumi 6 mio. koruunit atorneqarnissat Teknikkeqarnermut Avatangiisinullu immikkoortortap naatsorsuutigivaa. Ilutigitillugu innersuussutigineqarpoq, suliniutini ataasiakkaani isumaqatigiissusiortoqarnera malillugu imaluunniit ajoqutinik tassanngaannaq pilersoaqatillugu

iluarsisariaqakkanik sapinngissamik pitsaanerpaamik aningaasaliissutit tamakkiisut atorsinnaajumallugit, ukiup naatsorsuuseriffiusup ingerlanerani agguataarinnermi allatut pingaarnersiuinissamut Teknikkeqarnermut Avatangiisinullu immikkoortortaq agguataakkanik allanngortiterisinnaasoq.

Allaffeqarfiup naliliinera

Aningaasat kommunip illuutaanik ingerlaavartumik nutarterinissamut tulluarsaanissamullu atorneqassasut taamaalilluni illut tamakkiisumik atorneqarsinnaaniassammata aamma taamaalilluni oqoqaratillu ussiitsuussanngitsut. Sisimiuni kommunip illutai 2025-mi aasaanerani serlersaarfigitipput, taamaattumik atuisut tunganninngaannik kissaatigineqarpoq, atuafiit meeqqeriviit ilanngullugit, suliniutinik pinaveersaataaqqissinnaasunik soorlu ilaatigut kalerrisaarutinik qullernullu aningaasanik immikkoortitsisoqassasoq.

Innersuussut

Teknikkeqarnermut Avatangiisinullu immikkoortortap Teknikkeqarnermut Avatangiisinullu ataatsimiititaliamut innersuussutigaa:

1. Maniitsumi Sisimiunilu nutarsaanermut ukiumoortumik aningaasaliissutininik agguataarineq allanngortinneqassanngitsoq.
2. Teknikkeqarnermut Avatangiisinullu immikkoortortaq allaqqasutut 2026-mi aningaasanik atuissasoq
3. Teknikkeqarnermut Avatangiisinullu immikkoortortaq nutarsaanissamut aningaasaliissutaasut iluanni missingersuutinit iluarsiiinnaassasoq pingaarnersiusinnaassasorlu

Teknikkeqarnermut ataatsimiititaliap suliamik suliarinninnera

Ataatsimiititaliap 12. februar 2026 ataatsimiinnerani innersuussutigineqartut akuersissutigineqarput.

Innersuussut

Teknikkeqarnermut ataatsimiititaliap Aningaasaqarnermut ataatsimiititaliamut innersuussutigivaa,

1. Maniitsumi Sisimiunilu nutarsaanermut ukiumoortumik aningaasaliissutininik agguataarineq allanngortinneqassanngitsoq.
2. Teknikkeqarnermut Avatangiisinullu immikkoortortaq allaqqasutut 2026-mi aningaasanik atuissasoq
3. Teknikkeqarnermut Avatangiisinullu immikkoortortaq nutarsaanissamut aningaasaliissutaasut iluanni missingersuutinit iluarsiiinnaassasoq pingaarnersiusinnaassasorlu

Aalajangiineq

Innersuussutigineqartut akuersisutigineqarput.

Ilanngussaq

1. Nutarsaanissamut aningaasaliissutinit agguataarineq 2026, Sisimiut
2. Nutarsaanissamut aningaasaliissutinit agguataarineq 2026, Maniitsoq

Imm. 3.3 Aningaasaliissutinik Igloo Mountain-imit Sukorsit Inuusuttut ornittagaannut nuussineq

Journal nr. 06.02.01

Tunuliaqutaq

Igloo Mountain-imut ingerlatsinermut tapiissutit uninnikuupput, taamaattorli atuiffimmi missingersuutitigut suli aningaasartaqarpoq. Sammisagartitsinerit aningaasartuutillu siusinnerusukkut Igloo Mountain ataanut allanneqartaraluartut Sukorsit Inuusuttut ornittagaannit tiguneqarnikuupput. Eqqortumik missingersuutitigut inissiisarneq qulakkeerniarlugu aammalu naatsorsuutinik ingerlatseriaaseq eqqarsaatigalugu, aningaasaliissutit sinneri nuunneqarnissaat kissaatigineqarpoq.

Ataatsimut isigalugu atuiffioreersumi aningaasat atorneqarsinnaasut 1,5 mio. koruuniupput.

Maleruagassatigut tunngavigisat

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

- Igloo Mountain ingerlatsinermut immikkoortutut atorunnaarnikuuvoq.
- Aningaasartuutit ataavartut eqqarsaatigalugit siusinnerusukkut atuiffimmut naatsorsuutitut allanneqartarput.
- Sammisagartitsinerit maannakkut Sukorsit Inuusuttut ornittagaanni ingerlanneqartalernikuupput, matumani illumik attartornermut akiliutit ingerlatsinerlu ilanngullugit.
- Missingersuutit iluarsiiyiginissaannut pisariaqartitsisoqarnera suussuserneqarnikuuvoq, taamaalillutik aningaasartuutit allattukkallu atuinivimmut naapertuutilerlugit.

Nuussinissamut kissaatigineqartoq tassaavoq:

Uannga: Atuiffik 571020100 – Igloo Mountain

Uunga: Atuiffik 571020301 – Sukorsit Inuusuttut ornittagaat

Aningaasat 1.500.000 kr.

Atuilluartuunissakkut kingunerisinnaasai

Atuilluartuunissakkut kinguneqassanngilaq

Aningaasaqarnikkut allaffissornikkullu kingunerisinnaasai

1,5 mio. koruunit nuunneqarnerisigut aningaasartuutit missingersuutitigut eqqortumik inissinneqassapput.

Ingerlatsinermut missingersuutitut tamarmiusunut nuussineq sunniuteqassanngilaq, taamaattorli allattuinnut ingerlanneqartullu akornanni oqimaaqatigiisilersitsissalluni.

Suliffeqarfiup iluani missingersuutitigut iluarsiiuteqarnerummat immikkut ilassuteqarnissamik pisariaqartitsisoqassanngilaq.

Allaffeqarfiup naliliinera

Allaffeqarfik naliliivoq, eqqortumik naatsorsuutini inissiinissamut aammalu missingersuutitigut ersarissuutitsinissap qulakkeernissaanut nuussinissaq pisariaqartoq.

Aningaasat siunertamut immikkoortinneqareermata nuussinerup massakkut ingerlanneqarnissaa innersuussutigineqarpoq.

Innersuussut

Allaffeqarfiup Aningaasaqarnermut Ataatsimiititaliamut innersuussutigaa:

- Atuiffik 571020100-mit (Igloo Mountain) atuiffik 571020301-mut (Sukorsit Inuusuttut ornittagaat)-nut 1,5 mio. koruunit nuunneqarnissaat akuersissutigineqassasut

Aalajangiineq

Innersuussutigineqartoq akuersissutigineqarpoq.

Ilanngussat

1. Posteringsbilag Sukorsit

Imm. 3.4 Sisimiuni Maniitsumilu innuttaasunik sullissivinni sulisut atorfiisa taagutaasa qaffanneqarnissaat

Journal nr. 01.00.02

Tunuliaqutaq

Innuttaasunik sullissivinni suleqataasut atorfiisa taaguutaa SIK-isumaqatigiisutaata ataani overassistentiunngikkunik assistentiupput, naak atorfinnut ilaasut suliasat kisissaasut ukiut ingerlanerini amerlassusaat qaffannikuugaluartut.

Ukiuni kingullerni suliasat innuttaasullu saaffiginnittut amerlassusaat qaffariaateqarnikuupput, tamatumani MitID atuutilersinneqarneranik tunngaveqartumik innuttaasut saaffiginnittut qaffariaateqarnikuunerat malunnarnersaalluni, tamannalu sulisunut ataasiakkaanut piffissartornarsinnaavoq.

Malittarisassanut tunngavissat

- Qeqqata Kommuniiani karseqarnermut naatsorsuuserinermullu malittarisassat
- Naalakkersuisut, Skatteministeriap aamma Sulinermik Inuusutissarsiuuteqartut Kattuffiata akornanni sulisartut suliamik ilinniagallit ilinniagaqanngitsullu Qaammammusiallit pillugit isumaqatigiisutaat
- Naalakkersuisut, Skatteministereit aamma Sulinermik Inuusutissarsiuuteqartut Kattuffiat akornanni niuernerimi allaffimmilu sulisut pillugit isumaqatigiissut

Pissutsit atuuttut

Innuttaasunik sullissivik overassistentinik tallimanik assistentimillu ataatsimik sulisoqarput, suliasat tullinnguutut kivinneqarnissaanut akisussaasuusunik:

- Nuunnermik nalunaarutit ilanngullugit inuit allattsorsimaffiat
- Najugaqarnermut uppersaait
- CPR-mik uppersaait
- Qinersisussat allassimaffi
- Kommuni karsia
- Meeqqanut akilersuutitut qinntueqaatit/sullissineq
- Erninermut atatillugu ullormusianik qinnuteqaatit/sullissineq
- Inigisanut tapiissutinik qinnuteqaatit/sullissinerit
- Meeqqat tapiinik qinnuteqaatit/sullissineq
- Eqqagassalerinermi anartarfilerinermilu sullinneqalernissaq, sullinneqarunnaarnissarluni
- MitID-mik suliaqarneq

Sulineq ornigulluni oqarasuaatikkullu innuttaasut saaffiginnissutaannik amerlanerpaajugaanik qaammammut 100 - 150 tikillugit amerlassuseqarsinnaasunik sullissinermik imaqarpoq.

Suleqataasut suliasanik qulaaniittunik suliaqaatigalutik illoqarfinniit nunaqarfinniillu innuttaasunik sullissisarput, tamannalu takunnilluarsinnaanermik nukissaqarnissamillu kiisalu ikiorsiissutit aallaavigisassaattut inatsisinut assigiinngitsunut ilisimasaqarnissamik piumasaqaatitaqarpoq.

Sulisuusut assigiimmik paasinninnissaq aammalu Sisimiuni Maniitsumilu suleriaatsit assigiinnerunissaat siunertaralugu inatsisit assigiinngitsut misissuataarnerinut pingasunngorneq

**Aningaasaqarnermut ataatsimiititaliap ileqquusumik ataatsimiinnerata 01 ulloq 17. februar 2026
imaqarniliornera**

atortarpaat aammalu innuttaasunik naapitsinermi suliasanillu suliarinninnermi sakkussanik tunisisunik pikkorissaanernik piginnaasaqanerulersitsisunik assigiinngitsunik ukimoortunik ingerlatsisarput.

Aningaasaqarnikkut allaffissornikkullu kingunerisinnaasai

Eqitsisip ataaniittup takutippaa overassistentit qanoq sivisutigisumik sulisimanerat naapertorlugu ukiumut tunngaviusumik akissarsiaasa kontorfuldmægtiginut assinganik løntrin-imi tunngaviusumik akissarsiaannik sanilliussilluni nikinganerat.

	Overassistentinu t qaammammut/u kiumut koruuninngorlug u maannakkut tunngaviusumik akissarsiaq	Kontorfuldmægt iginut qaammammut/u kiumut koruuninngorlug u maannakkut tunngaviusumik akissarsiaq	Sulisut amerlassu saat	Koruuninngo rlugu ukiumut akissarsiat nikingassuta at	Qaffari aat pct- inngorl ugu	Ukiumut aningaasartu utitut aningaasartu utit nikingassuta at Katillugiit
Qaammam musiat løntrin 1-2	22.883,35/274.6 00,2	26.934,09/323.2 09,08	2	48.608,88	17,7	97.217,76
Qaammam musiat løntrin 3-4	23.113,49/277.3 61,88	26.934,09/323.2 09,08	3	45.847,20	16,53	137.541,6
Qaammamu siat løntrin 9+	23.879,73/286.5 56,76	26.934,09/323.2 09,08	1	36.652,32	12,79	36.652,32
Ukiumut akissarsiani aningaasartuutini nikingassut katillugu						271.411,68

Aningaasat missingersuutitut sinaakkutilliussat iluanniipput ilassutitullu aningaasaliinissamik malitseqassanatik.

Allaffeqarfiup naliliinera

Allaffeqarfiup nalilerpaa, suliasanut akisussaaffeqarnermik annertussutsimut sanilliullugu atorfiit taagutaannik tulluarsaaneq atorfinni sulisuusunik paarinniinnaqataasinnaasut, innuttaasut sulisullu naammagisimaarinninnerannik kiisalu immikkoortumi nalinginnaasumik ineriartornermik kinguneqassasoq.

Sulisut paarlakaattarnerat aningaasaqarnikkut ilisimasanik misilittakkanillu paarinniinnarnissamut tunngatillugu kiisalu innuttaasut kommunillu akornanni tatigeqatigiinnermut aningaasaqarnikkullu kommunimut aningaasaqarnikkut akisusinnaammat.

Tamatuma saniatigut suliffeqarfinni sulisunik piukkunnartunik siunissami sulilersitsiniarnermut atorfiit orniginarnerulissapput, tamatumani ilinniarnermik naammassinneqqammersut inuiaqatigiinni ineriartornermut tarrarsortunik atorfiit taaguuttannik pissanganartunit ingerlanneqarsinnaallutik.

Innersuussut

Suliaq Aningaasaqarnermt ataatsimiititaliamit akuereqqullugu saqqummiunneqarpoq:

1. Sisimiuni Maniitsumilu innuttaasunut sullissivinni atortiit fuldmægtigitut atorfittut qaffanneqassasut

Aalajangiineq

Innersuussutigineqartoq akuersissutigineqarpoq.

Ilanngussaq

Soqanngilaq

Imm. 4.1 Ilisimatusarfimmi isumaginninnermik suliaqarnermi immikkoortortaqrarfiup Qeqqata Kommuniatalu akornanni suleqatigiinnissamik isumaqatigiissut

Jounalnr. 52.03.05

Tunuliaqutaq

Oktobarip ingerlanerani Ilisimatusarfimmi Isumaginninnermut siunnersortinngorniarnermut immikkoortortami (Isumaginninnermik suliaqarnermi immikkoortortaqrarfik) aqutsisumit Qeqqata Kommunua saaffiginnisummik tigusaqarpoq.

Saaffiginnisummik siunertaasoq tassaavoq, Qeqqata Kommuniata aamma inunnik isumaginninnermut siunnersortinngorniarfiup akornanni tunngatillugu pitsaannerusumik suleqatigiittoqarnissaa immaqalu malittarinerusassaqluni suleqatigiinnissamik isumaqatigiissummik (allaganngukkamik) pisaqariaqartitsosqarnera pillugu kissaateqartoqartoq. Ilinniartoqrarfiup aamma suliffissaajumaartup aamma inunnik isumaginninnermik siunnersortitut ilinniartumut suliffimmik misiliiffiusup akornanni pitsaannerusumik suleqatigiittoqarnissaa anguneqarnissaanut, aammalu tamanna qanoq malitseqarumaarnersoq aamma inunnik isumaginninnermik siunnersortinut suliffissatut Qeqqata Kommunua orniginarsarneqarnissaa angunialugu.

Atugarissaarnermut immikkoortortaqrarfimmi aqutsisut aamma Inunnik isumaginninnermik siunnersortitut ilinniartumut immikkoortortami aqutsisup akornanni novembarimi teams atorlugu ataatsimiinnererup kingorna isumaqatigiissutigineqarpoq, politikikkut akuerisassatut saqqummiunneqartussamik suleqatigiinnissamut isumaqatigiissummik suliaqartoqassasoq.

Maleruagassatigut tunngavigisat

Isumaqatigiissut kommunip pisinnaatitaaffianiippoq, tassani kommuni nammineerluni ilinniartoqarfinni isumaqatigiissusiinnaalluni.

Pissutsit atuuttut

Maannakkut suleqatigiinnissamik isumaqatigiissuteqartoqanngilaq.

Inunnik isumaginninnermik siunnersortini bachelorinngorniarluni ilinniarnermut ilinniarnermi aaqqiissut naapertorlugu ilinniartoq suliffimmik misiliinnermi nalaani inunnik isumaginninnermi siunnersortitut ilinniarsimasumit ilitersorneqartassaaq. Kiisalu suliffimmik misiliinnerup nalaani ilinniartoq inunnik isumaginninnermik siunnersortitut sulinnermut sulianut inuttullu nammineq naatsorsuutigisanik takunnissinnaalissaaq naliliisinnaanngorlunilu.

Isumaqatigiissummit tunngaviunerusumik sammisat tassapput:

Qeqqata Kommuniani Atugarissaarnermut immikkoortortamut immikkoortoq ilinniartut projekteqarlutik allannerisa nalaanni apersuinissamut piareersimasinnaapput. Kiisalu suliffimmik misiliisussanik tigusinissamut sulisussanik naammattunik peqarnerluni kommunip nammineerluni nalilersortassavaa.

Suliffimmik misiliisut pissutsinut tullinnguuttunut ilinniartinneqarnissaat Qeqqata Kommuniata isumagissavaa:

- Isumaginninnermut sulianik ilinniartitsineq

- Ilinniarnermut aaqqiineq aamma suliffimmik misiliinermut mappi suliffimmillu misiliinermi isumaqatigiissutip kiisalu ataatsimut isigalugu suliffeqarfiup malittarisassaanik malitsitsineq
- Atugarissaarnermut immikkoortortap ataaniittut ESDH-systemi Get Organized-imik kiisalu IT-mut systeminut tunngasut allat Atugarissaarnermut Immikkoortortap iluani atuuttunik ilinniartitsineq

Paasissutissat suut Isumaginninnermik suliaqarnermi immikkoortortamut tunniunneqartassanersut kommunip nammineerluni aalajangertassavaa. Ilinniartitsinermut atugassat paasissutissat tullinnguuttunillu imaqarsinnaasut:

- Qeqqata Kommunia isumaginninnermut siunnersortinik qassinik sulisoqarpa,
- inissiinermut tunngatillugu aningaasaat qassit atorneqarnikuuppat,
- Qeqqata Kommunia meeqqanik inuusuttunillu angerlarsimaffiup avataani inissinneqarsimasut qassiuppat il.il.

Isumaqatigiissut tamakkiisoq ilanngussatut ilanngunneqaaqqavoq.

Suliffimmik misiliisut illoqarfimmi suliffimmik misiliiffigisaminni assersuutigalugu ilinniartut ineqarfiinik suleqateqarluni suliffimmik misiliinerup nalaani namminneq inissaminnik isumaginnissapput.

Ukiuni kingullerni Sisimiuni Maniitsumilu inunnik isumaginninnermut siunnersortitut suliffimmik misiliisoqarnikuuvoq:

2021-iminngaaniit Sisimiuni sisamat suliffimmik misiliipput, kisianni Maniitsumi misiliisoqarani.

Atuilluartuunissakkut kingunerisinnaasat

Qeqqata Kommuniani inunnik isumaginninnermi siunnersortitut suliffimmik misiliisoqartarnera atuilluartuuneruvoq, taakku kommunimi sulinermi sulinermilu suut atugassarititaanersut takusinnaannortarmatigit.

Aningaasaqarnikkut allaffissornikkullu kingunerisinnaasai

Isumaqatigiissummi aningaasaqarnikkut allaffissornikkulluunniit kingunissaqassanngilaq.

Allaffeqarfiup naliliinera

Ilinniartoqarfimmik suleqatigiinnissamik isumaqatigiissuteqarnerup aammattaaq malitsigissavaa, ilinniartoqarfimmik sulii qaninnerusumik suleqateqarneq, tassani Atugarissaarnermut immikkoortoqarfimmi inunnik isumaginninnermut siunnersortinik pisariaqartitsinerpaagatta. Tamakku saniatigut ilinniartut aammattaaq ilinniartunut allanut kommunimi misilittakkaminnik atuisarnerat saqqummiisarmatalu, kommuni suliffimmik misiliiffissatut qinnuteqarfissatullu orniginartutut tunniunneqarsinnaavoq.

Tamatuma saniatigut ilinniartoqarfiup tigusinaasaatut isumaginninnerup iluani sammiviit imaluunniit sammisat sorliit ukkatarineqarsinnaasut kommunip oqaluttuarinissaanut periarfissaqalissaaq.

Innersuussut

Allaffeqarfiup Atugarissaarnermut ataatsimiititaliamut innersuussutigivaa:

1. Ilisimatusarfimmi inunnik suliaqarnermi immikkoortortaqarfiup aamma Qeqqata Kommuniata akornanni suleqatigiinnissamut isumaqatigiissut akuersissutigineqassasoq.

Atugarissaarnermut ataatsimiititaliap suliamik suliarinninnera

Ataatsimiititaliap 10. februar 2026 ataatsimiinnerani innersuussutigineqartoq akuersissutigineqarpoq suliarlu Aningaasaqarnermut ataatsimiitailamut ingerkateqqinneqassaaq.

Innersuussut

Atugarissaarnermut ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

- Ilisimatusarfimmi inunnik suliaqarnermi immikkoortortaqarfiup aamma Qeqqata Kommuniata akornanni suleqatigiinnissamut isumaqatigiissut akuersissutigineqassasoq

Aalajangiineq

Innersuussutigineqartoq akuersissutigineqarpoq.

Ilanngussaq

1. Ilisimatusarfimmi inunnik suliaqarnermut immikkoortortaqarfiup aamma Qeqqata Kommuniata akornanni suleqatigiinnissamut isumaqatigiisummut missingiut

**Imm. 4.2 Nunatta Kitaani Nunamik allanngutsaaliukkamik pilersitsineq pillugu
nalunaarusiaq pillugu tusarniaaneq**

Journal nr. 80.11

Tunuliaqutaq

Nunatta Kitaani Nunamik allanngutsaaliukkamik pilersitsinissaq pillugu nalunaarut Pinngortitamut Avatangiisinullu Naalakkersuisoqarfiup 2025-mi decembarip 17-anni tusarniutissanngorlugu nassiuppaa. Tusarniaanermi akissuteqarnissaq 2026-mi marsip pingajuannut killeqarpoq.

Maleruagassatigut tunngavigisat

Pinngortitamik illersuineq pillugu Inatsisartut inatsisaat nr. 29, 18. december 2003-meersoq. Kalaallit Nunaanni masarsoqarfiit nunanit tamalaanit toqqarneqartut illersorneqarnissaat aamma timmissat imarmiut ilaasa illersorneqarnissaat pillugu Namminersorlutik Oqartussat nalunaarutaat nr. 12, 1. juni 2016-meersoq. Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq.

Pissutsit atuuttut

Qeqqata Kommunalbestyrelsia 2020-mi februaarip 27-anni ataatsimiinnermini aalajangiivoq, Kangerlussuup avannaatungaani Kalaallit Nunaanni Masarsosqarfiit annersaannik Eqalummiut Nunaat-Nassuttuup Nunaa-nik ilaqartumik nuna allanngutsaaliugaq pillugu pilersaarutit ingerlateqqinneqassasut.

Kommunalbestyrelsi aalajangiivoq, Kommune Qeqertalik, Namminersorlutik Oqartussat, inuussutissarsiutigalugu piniartut, takornarialerisut allallu ilanngutsinneqaasut siunnersuumik tapersersuisoqarnerisat paasiumallugu. Masarsoqarfiup pingajorarterutaata missaa Kommune Qeqertalimmi inissisimavoq Kommune Qeqertalillu siunnersuummut isumaqataalluariarmat kommunit marluusut Avatangiisinut Pinngortitamullu Naalakkersuisoqarfimmik susassaqartunillu allanik peqateqarlutik suleqatigiissitaliorput.

Borgmesterit Ane Hansen aamma Malik Berthelsen illoqarfinni nunaqarfinniu 2022-mi 2023-milu innuttaasunik ataatsimiisitsipput, tassani Nuna Allanngutsaaliugaq pillugu pilersaarutitut annertunerisumik tapersersuisoqarluni. Piniarneq ingerlareersoq kalluarneqarnavianngitsoq ilanngullugu Nuna allanngutsaaliugaq pillugu pilersaarutit nassuiaatigineqareernerisali aatsaat kingorna. Paatsuunganartinneqarnikuuvoq sulilu paatsuunganartinneqarluni, inatsisitigut tunngavissaq oqaatsimik `eqqissisimatitsineq`-mik aallaaveqartinneqarmat, naak piniarneq ingerlareersoq kalluarneqarnavianngitsoq.

EU-mik suleqatigiiffik Grøn Vækst aqutigalugu Nuna allanngutsaaliukkamut Avatangiisinut Pinngortitamullu Naalakkersuisoqarfik EU aningaasanik pissarsinikuuvoq. Kommunit peqatigalugit Avatangiisinut Pinngortitamullu Naalakkersuisoqarfik suliami suliniummik aqutsinermik tigusiivoq aammlau Namminersorlutik Oqartussani immikkoortortat aqutsisoqatigiinni inuttaqartinneqarlutik. 2025-mi innuttaasunik ataatsimiisitsinermi saqqummiunneqartumik nunataq pillugu nalunaarusiamik tunngaviummik suliarilluakkamik Pinngortitaleriffik suliaqarnikuuvoq.

Kommune Qeqertalimmi Nuna allanngutsaaliugaq annertusineqarnissaa Avatangiisinut Pinngortitamullu Naalakkersuisoqarfiup aamma Qeqertalik Kommunep kissaatiginikuuvaat, taamaalillluni Qeqertarsuup tunuata kujataani inissisimasup Nateernap nutataani Masarsoqarfimmik aamma Masarsosqarfiit malruusut akornanni nunatamik ilaqalissalluni. Qeqqata Kommuniani nuna qerineq ajortumi nunataq allilernerqarnikuunngilaq. Aqutsisoqatigiit Sermersuup ilaa Nuna allanngutsaaliukkami ilaatinneqarnissaa pillugu isumaqatigiinnikuupput.

Eqqissisimatitaasoq puisi Qasigiaq, nerleq, nerlerit imarsiortut tuttullu piaqqiortut pillugit mianerinnittoqartariaqartoq Pinngortitaleriffiup tunuliaqutissatut nalunaarusiaani tikkuussisoqarpoq, taamaattumik uumasunut suussutsinut sismaasanut mianerinnittussamik naluaarummi nunatanut assingütsunut A, B, C aamma D-mut ilanngussisoqarnikuuvoq. Qeqqata Kommuniani nunatanik A-nik, B-nik C-nillu pilersitsisoqarnikuunngilaq, kisianni Kangerlussuup avannaatungaani nunataq D1 tuttut piaqqiortut mianeriniarlugit. Tassunga ilaassaaq Qeqqata Kommunalbestyrelsiata immikkoortikkusutaatut aqutit ilisarnaasersukkat avataatungaanni piffissami 20. maj 20. juni uninngaartoqartassanngilaq, angallattoqartassanngilaq suliaqartoqaranilu.

Atuilluartuunissakkut kingunerisinnaasat

Pinngortitaq uumasullu aamma nunatassinneqarpata, tassani eqqissisimanerpaatitaasinnaallutik atuilluartuunerussaaq. Tamanna ingammik pingaaruteqarpoq kommuni nunap ammaannartup annertunerusunut atorneqarnissaanut pingaarnersiulilerpat, soorlu aqqusinniornermut, takornariaqarnermut, aatsitassarsiornermut allanullu.

Aningaasaqarnikkut allaffissornikkullu kingunerisinnaasai

Qeqqata Kommuniata Nunap allanngutsaaliugartaata ilaa Masarsoqarfimmik aamma nunarsuarmioqatigiinnut kingornussassaqarfimmi Aasivissuit-Nipisat ilaanik ileqarmat, kommunimut aningaasaqarnikkut allaffissornikkullu kinguneqaqqissanngitsoq naatsorsuutigineqarpoq. Nunamik allanngutsaaliukkamik kommuni nakkutilliisuusaaq, ksianni Kangerlussuarmi kommunip park rangeria nunarsuarmioqatigiinnut kingornussassaqarfimmi nakkutilliisoreerpoq aammalu siunissami tuttut piaqqiornerisa nalaani takornarissanit il.il. akornusesorneqannginnissaat annertunerusumik ukkarissallugu.

Nuna allanngutsaaliukatut toqqanermi ilaatigut Kangerlussuup avannaatungaani piaqqiorfinnik illersuineramik pitsaasunik kinguneqassasoq naatsorsuutigineqarpoq. Aqutsisoqatigiit Nuna allanngutsaaliukkami eqqakkanik paaasarnissamut avataanit aningaasalersuisinnaasunik periarfissanik misissuivoq. Nunami allanngutsaaliukkami ilisimatusarnerulerneq aammalu tuttut umimmaallu pillgit ilisimasaqarnerulertoqassasoq kingunissat ilagissagaat naatosrsuutigineqarpoq, tamannalu uumasooqatigiit ikilinerannik misigisoqarpat aaiissutissanik nassaarnissamtu pingaaruteqarpoq. Taamaattorli Sisimiut aqutsiveqarfiani tuttut amerlassusaat maannakkut ajunngitsorujussuarmiippoq kisianni siusinnerusukkat annilaarnartumik appariaateqartoq nalunaarsorneqarnikuuvoq, tamatumani Kangerlussuup avannaatungaani tuttut piaqqiorfiit amerlasusaasa ineriartornerinut aalajangiisuunikuugunarlutik.

Allaffeqarfiup naliliinera

Allaffeqarfik naliliivoq, nalunaarut suliarineqarnikusooq tunngavigalugu Nunamik allanngutsaaliukkamik pilersitsineq nunap immikkoortuanut suliniutaassasoq pitsaasoq. Nuna allanngutsaaliugaq takornarissanit, ilisimatusartunit aningaasaateqarfinniillu soqutigineqartussaavoq, tamanna Kangerlussuarmut nunallu immikkoortuani takornariaqarnermi

ukkaqarnermi qitiusussaavoq. Ilutigitilluguli nalunaarutip qulakkeertussaavaa, tutut piaqqiornerisa nalaani akornsusersorneqannginnissaat, soorluttaaq piniarneq ingerlareersoq pisarnermisut ingerlaannarsinnaasoq.

Innersuussut

Aningaasaqarnermut ataatsimiititaliamit kommunalbestyrelsimiillu akuereqqullugu innersuussutigineqarpoq,

- Annertunerusumik oqaaseqaatitaqanngitsumik Nunatta Kitaani Nuna allanngutsaaliukkamik pilersitsineq pillugu nalunaarut akuersissutigineqassasoq

Aalajangiineq

Innersuussutigineqartoq akuersissutigineqarpoq.

Ilanngussaq

1. Uunga siunnersuut: Nunatta Kitaani Nuna allanngutsaaliugaq pillugu nalunaarut (KAL/DK)
2. Ilanngussaq 1 Nalunaarut Nunatta Kitaani Nuna allanngutsaaliugaq - Nunap assingi - Sinaani killeqarfiit (KAL/DK)
3. Ilanngussaq 2 Nalunaarut Nunatta JKitaani Nuna allanngutsaaliugaq - Nunap assingi - Immikkoortut ilaat (KAL/DK)
4. Ilanngussaq 3 Nalunaatu Nunatta Kitaani Nuna allanngutsaaliugaq - Killersuinernik nassuiaatit (KAL/DK)
5. Nunatta Kitaani nunamik allanngutsaaliukkamik pilersitsisoqarneranit kingunissanik missuinerugallartoq (KAL/DK)
6. **natur.gl/wp-content/uploads/2025/05/Baggrundsrapport-forud-for-etablering-af-nationalpark-i-Vestgroenland_20250520-KAL.pdf**
natur.gl/wp-content/uploads/2025/05/Baggrundsrapport-forud-for-etablering-af-nationalpark-i-Vestgroenland_20250520.pdf

Imm. 4.3 Kalaallit Nunaanni timersoqatigiiffiit kattuffiata aamma Qeqqata Kommuniata akornanni suleqatigiinnissamik isumaqatigiissutaannik nutarterineq

Journalnr. 06.02.01

Tunuliaqutaq

Kalaallit Nunaanni timersoqatigiiffiit kattuffiat aamma Qeqqata Kommunian meeqqerivinni, atuarfinni, utoqqaat angerlarsimaffinni kommunillu suliffeqarfiutaani siullermeerlutik 2018-imi isumaqatigiissuteqaqqaarput 2021-mi nutarterneqartumik.

2021-mi nutarterineq aamma Anguniagassanut isumaqatigiissutitut taaneqartup siunertarivaa, meeqqanut inuusuttunullu avatangiisinik akuutitsisunik peqqinnartunillu qulakkeerinninnissaq taanna aamma sunngiffimmi inuunermik peqataaffiusumik, GIF nunarput 2030-mi nunani aalatitsinerpaaffiusutut takorluugaanut ilaatinneqarluni.

Isumaqatigiissut 2022-miit 2025-mut atuuttuunikuuvoq nalilersuilluni nalunaarusiami nalilerneqarpoq malunnaatilinnik angusanik pilersitsisimasutut aammalu Qeqqata Kommuniani ataatsimoorfinnut peqqinnartunut, aalatitsiffiusunut akuutitsisunullu annertuumik tunngaviliisimasoq.

Malittarisassanut tunngavissat

Qeqqata Kommuniani karseqarnermut naatsorsuuserinermullu malittarisassat Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq

Pissutsit atuuttut

Anguniagaqarluni isumaqatigiissutip siunertarinikuuaa:

- Meeqqanut inuusuttunullu ataatsimooqatigiinnermik peqqinnartumik akuutitsisumillu nukittorsaannissaq, taamaaliornikkut 5.-10. klassimmi atuartut akornanni atugarliornerup aanngajaarniutinillu atuneq pinaveersaartinneqassalluni.
- Suleqatigiinneq Qeqqata Modelianik suliamik aallaaveqarpoq

Isumaqatigiissut anguniakkanik itinerusunik ukkaqarfiusunik pingasunik peqarnikuuvoq:

1. Sunngiffimmi aalaneruneq aamma atuarfik akuutitsisoq
 - Peqatigiiffinnik, suliffeqarfinnik sumiiffigisamilu suliaqartunik suleqatigiinnikkut atuarfiup sunngiffiullu akornanni ataqatigiinnermik pilersitsineq
 - Nammineq kajumissutsimik sulinerup nukittorsarnissaa aammalu sunngiffimmi immikkoortortamik ataqatigiissaakkamik pilersitsineq
2. Timersornermik inuuneq toqqissisimanartoq akuutitsisorlu
 - Meeqqanik inuusuttunillu oqaloqateqarluni sunngiffimmi neqeroorutitik ineriartortitsineq timersornikkullu avatangiisinik akuutitsisunik pilersitsineq.
 - Meeqqat inuusuttullu sunngiffimi sammisani aqqissuussani akuusarnerisa qaffassarnissaat
3. Kinguaariit akimorlugit ataatsimoorneq
 - Ataatsimoornermik inuulluataarnermillu nukittorsaataasunik sammisanik ilaqutariinnut pitsaasunik pilersitsineq

Isumaqatigiisummik atuutsitsilernissamut isumaqatigiissutip ilaatut Qeqqata Kommuniani suliniummi siunnersortimik atorfinitsitsisoqarpoq, taamaaliornikkut illuatungeriit marluusut akornanni akissarsianut aningaasartuutit avinneqarlutik. Suliniummi siunnersorti pisortaanerup sulisoqarfiani suliaasaqarfiit ilaattut isigineqarluni pisortaanerup sulisuisa pisortaannut attaveqartuulluni kommunimi pisortaanerup sulisqarfiata ilaanniilerpoq, taanna kommunimi inoqarfiit akimorlugit avataanilu suleqatigisanik suleqateqarluni akimortunik suliniutinik aamma suliaqarfinnik ilaarluni.

Suliniumi siunnersortimik atorfinitsitsineq sumiiffimmi eqiterutsitsinermik aammalu GIF kommunillu akornanni attaveqarnermik pilersitsinikuuvoq aammalu sulisuusunut, innuttaasunut peqatigiiffinnillu iluaqutaasunik sulianut ilsimasanut, misilittakkanut aalanerunernullu peqataanikuulluni.

Nalilersuilluni nalunaarusiami suliniutit arlalitsigut pitsaasumik sunniutilittut angusaqarfiusutullu nalilerneqarput taakkununnga ilaatinneqarlutik ilinniartitsisut atuarfiillu arlallit atuartitsinermi periutsitut atuartitsinermi aalaneq ilanngunniikuullugu kiisalu peqatigiiffinnik ataatsimiisitsisarnert nammineq kajumissutsimik suliaqartartut kommunillu akornanni annertunerusumik oqaloqatigiinnerannik attaveqarnermillu pilersitsinikuuvoq. Nalilersuilluni nalunaarusiami ilanngussatut ilanngunneqartumi sunniutaasut angusallu pitsaasut tamaasa atuarsinnaavatit.

Ilaatigut sunniuteqarfinni paasissutissanik amigaateqartutut kiisalu ukioqatigiiaat unammillernartitalinnut tapersersuinissamut killilimmik nukissaqarnermik unammillernartitsisoqarneratut nalilersuilluni nalunaarusiami aammattaaq assigiinngitsunik unammillernartoqartoq allaaserineqarpoq.

Suleqatigiinnissamut isumaqatigiissut nutaaq suliniutinik aallartinneqareersunik ingerlatitseqqiineruvoq ksianni aamma suliniutinit nalilersuinerup malitsigisaanik tulluarsaanerulluni, tamatumani suliniutit ilaat kommunimi attuumassutilinnik sulisuusuni ingerlatsinermi suliaasatut ingerlateqqinneqarnikuullutik.

Suleqatigiinnissamik isumaqatigiisummi nutaami ilaatigut nunaqarfinni suliniutinik annertunerusumik ukkataqarnissaq kiisalu suliniutinit taakku sunniutaannik inernerinillu pitsaanerusumik uppersaasarnissaq anguniagaavoq.

Aningaasaqarnikkut allaffissornikkullu kingunerisinnaasai

Suliniummot aqutsisumik avitseqatigiilluni atorfinitsitsinerup ingerlateqqinneqaarneratigut, akissarsianut, sulisitsisup aningaasartuutaanut sulisunullu aningaasartuuteqarnermut ukiumut 300 t. koruunit missaanut Qeqqata Kommunian aningaasartuuteqassaaq.

Atorfik pisortaanerup sulisoqarfiani atorfimmi inuttaqanngitsumi pioreersumik matussuserneqarsinnaavoq, taamaattumik suleqatigiinnissamut isumaqatigiissut naapertorlugu aningaasaliisoqatigiinnissaanut pisariaqartitsisoqanngilaq, taassunga aningaasartuutaasut affaat Kalaallit Nunaanni timersoqatigiiffiit kattuffiannit matussuserneqassallutik.

Allaffeqarfiup naliliinera

Allaffeqarfiup naliliinerivaa, Kalaallit Nunaanni timersoqatigiiffiit kattuffiannik suleqatiinneq nalinginnaasumik immikkoortumi suliatigut nukittorsaanikuusoq, avitseqatigiinnissamut,

ilisimasanik avitseqatigiinnissamut aamma illuatungeriit suleqatigiissutigisaatut suliniutit assigiinngitsut pillugit oqaloqatigiiffiusinnaalluni.

Suliniuteqarfigineqartut assigiinngitsut qaffasissutsigut arlalitsigut inuiaqatigiinnut inuttut, inooqataanikkut aningaasaqarnikkullu iluaqutaassapput, taakku meeqqani inuusuttunilu inooriaatsimik, sulineramik il.il. ingerlateqqiisussanut siunissamut aningaasaliinerussammat.

Ilaatigut alloriarfinni misilitsinnerni inaarutaasumillu misilitsinnerni pitsaannerusumik angusani inernejartussatut atuartsinnerni aalanerunermi ukkataqarnermi inuunermi siusissumik peqqinnerulernermik kinguneqassammat, saniatigut timimik aalatitsineq ilisimatusarnikkut uppersarneqarnikummat aallussisinnaanermik, eqqaamannissinnaanermik kajumissusermillu qaffassaataasartoq.

Nammineq kajumissutsimik suliaqartarnej ukkaqarfigineqarnerani ataatsimoornermik nukittunerusunut kinguneqarsinnaavoq, taakku ukiut, kulturi tunuliaquttallu akimorlugit attaveqaatinik pilersitsisarmat ilutigitiillugulu akisussaanermik, suleqatigiinnermik innuttaaqataanermillu siuarsaataalluni.

Atugassarititani ukkataqarnej kikkunnut tamanut ajornannginnerusumik aalanerulersinnaanermut qulakkerinnissaaq ulluinnarni amerlanerusut timimik aalatitsnerannik kinguneqarsinnaasumik, ilutigitiillugu sumiiffinni katersuuffinnik pilersitsilluni aangajaarniutitik pinerlunniarnermillu atuinermut pinaveersaataasinnaasumik.

Piginaasakillinikuni timersornermi ukkataqarnej akuutitaanermik aammalu inuit innarluutilinnut periarfissanik assigiinnik qulakkeerinnissaaq, ataatsimoornermut timersorsinnaanermullu amerlanerusunik periarfissaqalertussaasunut, nammineersinnaanerannik inuunermillu pitsaassusaannik nukittorsaataasinnaasoq. Tamannalu saniatigut pissarsiartarisinnaavaa, inuiaqatigiinni isummamik allannguinnermik pilersoqarluni, inuiaqatigiinni paasinninnerunermik, ataqinninnerunermik assigiissitaanerunermillu kinguneqartumik.

Ataatsimut isigalugu suliniutit tullinnguuttutigit sunniuteqarsinnaapput:

- Peqqissutsimi naligiinnginnermik annikillisitsineq
- Ataatsimoornermik ataqatigiinnernillu nukittorsaaneq
- Ungasinnerusuk isigalugu pisortat aningaasartuutaanni sipaaruteqarnej
- Innuttaasunik eqeersimaartunik tunniusimasunill pilersitsineq

Innersuussut

Suliaq Aningaasaqarnermut ataatsimiititaliamit akuereqqullugu saqqummiunneqarpoq:

1. Qeqqata Kommuniata Kalaallit Nunaannilu timersoqatigiiffiit kattuffiata akornanni suleqatigiinnissamut isumaqatigiissutissatut missingiut
2. Qeqqata Kommuniata Kalaallit Nunaannilu timersoqatigiiffiit kattuffiata akornanni suleqatigiinnissamut isumaqatigiissutissaannut ilassutissatut missingiut.

Aalajangiineq

Innersuussutigineqartoq akuersissutigineqarpoq.

Ilanngussaq

1. Qeqqata Kommuniata Kalaallit Nunaannilu timersoqatigiiffiit kattuffiata akornanni suleqatigiinnissamut isumaqatigiissutissatut missingiut
2. Qeqqata Kommuniata Kalaallit Nunaannilu timersoqatigiiffiit kattuffiata akornanni suleqatigiinnissamut isumaqatigiissutissaannut ilassutissatut missingiut.
3. Qeqqata Kommuniata Kalaallit Nunaannilu Timersoqatigiiffiit Kattuffiata akornanni Anguniakkanut isumaqatigiissut.

**Imm. 4.4 Itillimi katersortarfiup Kateriffiup tigunissaanut Peqatigiiffik
Katersorfittaarniaqatigiinnit qinnuteqaat**

Journal nr. 01.00.02

Tunuliaqutaq

Itillimi Katersortarfik Kateriffik tiguneqarsinnaanera pillugu 2025-mi aggustip 18-anni Peqatigiiffimminngaanniit Peqatigiiffik Katersortarfittaarniaqatigiinnit qinnuteqaammik Qeqqata Kommunia tigusaqarpoq.

Suliaq nunaqarfimmi aqutsisut Sarfannguit/Itilleq 2025-mi septembarip qulinganni saqqummiunneqarpoq, tamatuma kingorna akeqanngitsumik kommunip katersortarfimmik peqatigiiffimmut tunniussisinnaaneranut inatsisitigut aporfissaqarnersoq pillugu nassuiaasoqarnissaa siunertaralugu Advokatfirmaet Malling & Hansen Damm-imut nassiuunneqarpoq.

Tamatuma kingorna eqqartuussissuserisoqarfik 2025-mi decembarip 31-anni nassuiaammik nassiusaqarnikuuvoq, ilanngussatut ilanngunneqartuusumik.

Malittarisassanut tunngavissat

Kulturikkut ingerlatsineq sunngiffimilu sammisassaqaartitsineq pillugit Inatsisartut inatsisaat nr. 5, 6. juuni 2016-imeersoq

Pissutsit atuuttut

2023-mi missingersuutit pillugit isumasioqatigiinnermi kommunalbestyrelsi aalajangiivoq, Itillimi Illorput 2100-mik atuineq katersotarfinngortillugu allanngortinneqassasoq, tamatuma kingorna tamanut suliariumannittussarsiuunneqarpoq.

Illorput 2100 katersotarfinngortillugu allanngortiterinissamut sanasut suliaqarnerat 2024-mi decembarip tallimaanni Teknikkeqarnermut ataatsimiititaliap ataatsimiinnerani nalunaarutigineqarpoq tamatumalu kingorna ingerlatsineq nammineq toqqaannartumik peqatigiiffimmut Katersortarfittaarniaqatigiinnut tunniunneqarpoq. Ingerlatsinermi aningaasartuutit ilanngullugit ingerlatsinermik kommunip tigusinissaata tungaanut, aaqqissuussanut, pequtunut ingerlatsinermilu aningaasartuutit peqatigiiffimmit akilerneqartarnikuupput.

Atuartut atuannngiffiisa nalaanni maannakkut katersortarfik sunngiffimmi klubbitut atorneqartarpoq, katersortarfimmik kommunip tigusinerata kingorna aaqqissuussat ingerlanneqartarunnaarnikuullutik.

Katersortarfimmik tigusinissaq pillugu qinnuteqaammik tigusaqarnerup kingorna allaffeqarfiup Advokatfirmaet Malling & Hansen Damm qinnuiginikuuaa, peqatigiiffiup tigusisinnaaneranut inatsisitigut aporfissaqarnersoq pillugu nassuiaasoqassasoq.

Tassani eqqartuussissuserisutut suliffeqarfiup naqissuserpaa, pingaarnertut kommunit illunik imaluunniit kommunimut attuumassuteqartunik sulianik allanik inunnut ataasiakkaanut, peqatigiiffinnut suliffeqarfinnulluunniit akeqanngitsumik tunniussineq ajortut. Ilutigitilluguli naqqissuserlugu tunniussinissaq kommunimi pisinnaatitsinermi inatsisinilluunniit atuuttunit tapertaqartinneqarpat taamaallaat pisinnaasoq.

Eqqartuussisuserisutut suliffeqarfiup paasissutissiissutigivaa, sanaartornernut, katersortarfinnik nutarsaanermut ingerlatsinermullu kommunit tapiisinnaasut ukiorpassuarni naatsorsuutaasarsimasog, kisianni kommunit tapiisinnaanerat killeqartoq. Taamaattorli Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaanni § 7 naapertorlugu katersortarfinnik sanaartornernut tunniussaqaarsinnaavoq aammalu illunik pioreersunik peqatigiiffinnut unioqqutitsinertaqaangitsumik kommuni tunniussisinnaalluni. Taamaattorli piumasaqaataavoq, katersortarfik pingaarnertut kommunip sammisassanik nammineq aallartissinnaasaanut unioqqutitsinertaqaangitsumillu tapersorsorinnaasaanut atorneqarnissaa.

Aningaasaqarnikkut allaffissornikkullu kingunerisinnaasai

Kommunip illuutaanik tunniussineq assgiinnarpaa sulianik annaasaqarneq, kisianni aserfallatsaaliinermi, sillimmasiinermi kiisalu kiassarnermut ingerlatsinermillu kommuni sipaaruteqassaaq.

Allaffeqarfiup naliliinera

Allaffeqarfiup nalilerpaa, illumik peqatigiiffimmut tunniussinermi navianartoqarsinnasoq, ingammik peqatigiiffiup siunissami ingerlatsinissaani aningaasaqarnikkullu nammassinnissinnaaneranut tunngatillugu, tassunga ilanngullugu illumi pisarialimmik aserfallatsaaliinissamik qulakkeerinninnissamut periarfissai.

Allaffeqarfiup nunaqarfimmit allamit siusinnerusukkut suliaanikuusumut innersuussisinnaavoq, tamatumani peqatigiiffik katersortarfimmik pisarialimmik aserfallatsaaliinissaminut qulakkeerinnissamut peqatigiiffik aningaasaqarnikkut aqqissuussaannikkullu pisinnaasanik pigisaqarnikuunninnami. Aserfallatsaaliinnginnerit imermik ajutoornermik kinguneqarnikuuvoq, tamatumani kommuni malitsigisaanik illu malunnaatilimik aserornernik malitseqarnikumik tigusariaqarnikuulluni.

Tamanna tunngavigalugu allaffeqarfiup nalilerpaa, illersorneqarsinnaanerpaamik aqqiissutissaq tassaasoq, katersortarfik akiliinertaqaangitsumik peqatigiiffimmut atugassanngortinneqassasoq, sulianik atuineq kommunip nammineq aallartissinnaangisaanik pinissaa piumasaqaatigalugu aammalu kommunip pisinnaatitaaffiata inatsisillu atuuttuusup sinaakkutaata iluani inissisimappata. Taanna suliaq kommunip soqutigisaanik ingerlatsinermik imaqassaaq aammalu innuttaasunut iluaqutaasuussaaq, tassunga ilanngullugu assersuutigalugu kulturimut, sunngiffimmut inooqataanikkullu sammisatut nalinginnaasumik atorneqarnissaa siunertaqassaaq. Illuatungaatigut sammisat aningaasaqarnikkut niuerutaassanatillu inuit ataasiakkaaneersuussanngillat, inunntu ataasiakkaanut annertuumik iluaqusiisuusog imaluunniit unammilleqatigiinermik unioqqutitsisumik imaqaratarsinnaasoq.

Innersuussut

Suliaq Aningaasaqarnermut ataatsimiititaliamit akuereqqullugu saqqummiunneqarpoq:

- Kateriffimmik tigusinissaq pillugu peqatigiiffimmiit qinnuteqaat itigartitsissutigineqassasoq kisianni kommunalbestyrelsip katersortarfik akiliutitaqaangitsumik peqatigiiffimmut atugassanngortissagaa, tullinnguuttunik piumasaqaatitalimmik:
 1. peqatigiiffik innaallagissamut kiassarnermullu akiliisassasoq
 2. atuineq kommunip pisinnaatitaaffiata inatsisillu atuuttuusup sinaakkutaata iluani suliat pinissaat

3. piunasaqaatinik annertuumik sumiginnaasoqarpat kommunalbestyrelsip katersortarfiup illutaanik peqatigiiffik atuisinnaajunnaarsissagaa
4. naatsorsuutininik pappiliiatinillu attuumassutilinnik allanik takunnissinaatitaanissaq ilanngullugu katersortarfimmi suliani malinnaasinnaajumalluni kommunalbestyrelsi appakaassinnaatitaassasoq

Aalajangiineq

Innersuussutigineqartoq akuersissutigineqarpoq.

Ilanngussaq

1. Peqatigiiffik Katersortarfittaaniaqatigiit-nit Kateriffimmik tigusinissaq pillugu qinnuteqaat
2. Advokatfirmaet Malling & Hansen Dam-imit nassuiaat

Imm. 5.1 Atorfeqartitanut tunngasutigut paasissutissiineq 4. kvartal 2025

Journalnr. 03.00

Nalunaarusiornermi nalunaaquttap akunnermusiallit ilanngunneqanngillat.

Atorfiit inuttassarsiussat

Sisimiuni inuttassarsiuineq	140
Maniitsumi inuttassarsiuineq	76
Inuttassarsiuinerit katillugit	216

Immikkoortukkaanut agguarlugit

Ilinniartitaanermut immikkoortortaq	101
Atugarissaarnermut immikkoortortaq	64
Aningaasaqarnermut immikkoortortaq	13
Qullersaqarfik	4
Pisortaanerit sulisui	21
Nutaaliornermut Teknikimullu immikkoortortaq	13
Inuttassarsiuinerit katillugit	216

Allagarsiuteqqitat

Sisimiuni allagarsiuteqqitat	19
Maniitsumi allagarsiuteqqitat	8
Allagarsiuteqqitat katillugit	27

Atorfininnermut isumaqatigiissutit

Sulilerlaamut isumaqatigiissutit	170
Suliffiup iluani nuunnermut isumaqatigiissutit	48
Isumaqatigiissutit katillugit	218

Suliunnaartut

Soraarnermut uppersarsaatit	161
Suliunnaarsitsinerit	4
Suliunnaartut katillugit	165

Atorfiit inuttassarsiuunneqartut amerlanerpaat Ilinniartitaanermut immikkoortortaqarfimmeersuupput.

Ilinniartitaanermut immikkoortortaqarfimmit nassuiaatit – Sisimiut aamma Maniitsoq

Ulluunerani paaqqinnittarfinnut immikkut isumaqatigiissuteqanngilagut sulisut minnerpaamik ukiut marluk atorfeqartarnissaannut. Taamaammat sulisut pituttorsimangillat nunatsinni suliffinnut allanut qinnuteqarnissaminnut.

Sulisut paarlakaannerannut pissutaaqataasut ilagilluinnarpaat, aningaasarsiat atorfeqarnermilu isuma-qatigiissut malillugu atugassarititat appasinnerat, taamaalilluni atorfinitsitsiniarneq aammalu sulis-sorinniinnarniarneq ajornartarluni – pingaartumik perorsaasunik.

Ilutigitillugu meeraateqarfinni suliffigissaaneq suliffimmilu atugarinnerulernissaq pillugu sinaakku-tissanik angunigaqarpugut. Taakku saniatigut SPS aqqutigalugu piginnaangorsarnissanik pikkoris-sarnernillu neqerooruteqartarpugut, suliamut piginnaasaqarnerulernissaq aammalu sulisorinniinnar-nissaq siunertaralugu.

Aqutsisoqarneq aalaakkaaneruvoq, soorlu aamma tullersortit paaqqinnittarfinni allani aqutsisunngor-tarnerat takornartaanngilaq.

Tamakkiisumik naliliinermi kisitsisit takutippaat, soraarninngortoqartarneranik atorfinitsitsiniar-nermilu ajornartorsiuteqarnermit pissuteqartut kiisalu sulisut pitsaanerusumik atugassaqaarusunnertik ineriartorusunnertillu pillugu suliuunnaartartut.

Innersuussut

Suliaq aningaasaqarnermut ataatsimiititaliamut paasissutissiissutitut saqqummiunneqarpoq.

Aalajangiineq

Tusaatissatut tiguneqarpoq.

Ilanngussaq

Ilanngussaqanngilaq

Imm. 8.1 Tamalaat

Kunngi aqaguagu Maniitsumut tikittussaasoq Kangerlussuarmullu ingerlaqqissasoq borgmesteri ilisimatitsivoq.

Takornariaqarnermut naalakkersuisoq ataatsimeeqatigisimallugu borgmesteri ilisimatitsivoq.